



## **Directiva davart l'attribuziun da las emprendistas e dals emprendists a las scolas professionali specializadas**

Sa basond sin l'art. 3 al. 1 lit. m da l'Ordinaziun davart la furmaziun professiunala e davart purschidas da furmaziun cuntinuanta (OFurm; DG 430.100)

relaschada dal Departament d'educaziun, cultura e protecziun da l'ambient ils 8 d'avrigl 2025  
(Versiun dals 8 d'avrigl 2025)

---

### **Art. 1 Intent e champ d'applicaziun**

Questa directiva fixescha ils criteris per attribuir las emprendistas ed ils emprendists da tut ils secturs da la furmaziun professiunala da basa a las scolas professionali specializadas.

### **Art. 2 Attribuziun en general**

<sup>1</sup> Las emprendistas ed ils emprendists vegnan attribuids a las scolas professionali specializadas en l'intschess dals manaschi d'emprendissadi tenor la charta en l'agiunta.

<sup>2</sup> Sche la distanza geografica d'in manaschi d'emprendissadi tar las scolas professionali specializadas Scola professiunala industrialia Surselva e Scola professiunala artisanala Cuir (SPC) u tar la Scola industrialia Samedan e la SPC è cumparegliabla resp. sumeglianta, vegnan las emprendistas ed ils emprendists attribuids tenor il cas specific; quai pertutga particularmain las vischnancas da Trin e da Bravuogn Filisur. Ensemen cun il manaschi d'emprendissadi annunzian las emprendistas ed ils emprendists a l'Uffizi per la furmaziun professiunala (UCFP) la scola professiunala specializada preferida.

<sup>3</sup> Las emprendistas ed ils emprendists cun in lieu da manaschi d'emprendissadi en las vischnancas dal Partenz Davant (Seewis, Grüşch, Schiers, Furna, Jenaz e Fideris), che absolvan ina furmaziun professiunala da basa sco Scrinaria/Scrinari AFQ, vegnan attribuids a la Scola professiunala specializada Tavau, sche l'instrucziun specifica vegn purschida là.

<sup>4</sup> Emprendistas ed emprendists che frequentan ina scola extrachantunala vegnan per regla attribuids a la scola professiunala specializada pli vischina.

### **Art. 3 Attribuziun en cas speziels (model da splitting)**

<sup>1</sup> Emprendistas ed emprendists cun in lieu da manaschi d'emprendissadi en la regiun Surselva sco er en las vischnancas da Flem e da Trin vegnan en general attribuids a la Scola professiunala industrialia Surselva per l'instrucziun da furmaziun generala (lingua d'instrucziun rumantsch e tudestg), sch'ellas ed els abitan ad Ilanz/Glion u en ina vischnanca da la regiun Surselva cun scola elementara rumantscha ed han frequentà la scola populara cun rumantsch sco emprima lingua.

<sup>2</sup> L'instrucziun specifica (enconuschientschas da la professiun) per las emprendistas ed ils emprendists tenor l'alinea 1 vegn intermediada a la scola professiunala specializada cumpetenta (model da splitting), particularmain a la SPC. Exceptads da quai èn emprendistas ed emprendists da Scrinaria/Scrinari AFQ e da Miradura/Miradur AFQ, che frequentan tut l'instrucziun da scola professiunala specializada a la Scola professiunala industrialia Surselva, sche l'instrucziun specifica vegn purschida là.

<sup>3</sup> Emprendistas ed emprendists da lingua rumantscha d'altres regions u senza scola elementara rumantscha pon vegnir attribuids sin dumonda a l'instrucziun bilingua a Glion.

<sup>4</sup> Emprendistas ed emprendists en professiuns che na pon betg vegnir integradas en il model da splitting per motivs da l'urari, frequentan tut l'instrucziun da scola professiunala spezialisada a la scola professiunala spezialisada tenor la charta en l'aggiunta.

<sup>5</sup> Suent l'attribuziun tras il UCFP han las emprendistas ed ils emprendists la pussaivladad da far ina dumonda motivada en scrit per vegnir attribuids ad in'otra scola. Suent avair consultà il manaschi d'emprendissadi sco er las scolas professiunalas spezialisadas pertutgadas decida il UCFP, sch'ellas ed els vegnan attribuids a l'instrucziun da furmaziun generala monolingua (tudestg) da la SPC.

<sup>6</sup> La scola professiunala spezialisada cumpetenta consegna a las scolaras ed als scolars la convocaziun e l'urari per la frequentaziun da la scola.

<sup>7</sup> Las scolas professiunalas spezialisadas coordineschan ils dis da scola resp. ils uraris.

#### **Art. 4 Excepziuns**

<sup>1</sup> Per motivs impurtants e sin dumonda motivada en scrit pon las emprendistas ed ils emprendists vegnir attribuids ad in'otra scola professiunala spezialisada.

<sup>2</sup> Motivs impurtants èn spezialmain:

- a. promoziun d'ina lingua minoritara chantunala:  
emprendistas ed emprendists cun rumantsch e talian sco emprima lingua pon frequentar la scola professiunala spezialisada en lur emprima lingua, premess che la professiun vegnia instruida en la scola professiunala spezialisada prevista;
- b. cuntinuaziun da l'emprendissadi:  
emprendistas ed emprendists che cuntinueschan la furmaziun professiunala da basa en in manaschi d'emprendissadi che ha sia sedia en in auter circul da scola, pon frequentar la scola professiunala spezialisada da fin ussa;
- c. lunga via a scola:  
emprendistas ed emprendists che dovran, cun il traffic public, davent da lur lieu da domicil fin a la scola professiunala prevista per viadi dapli che 60 minutas pli ditg che fin a la proxima scola professiunala spezialisada adattada en il chantun Grischun, pon frequentar la scola professiunala spezialisada pli vischina, premess che la professiun vegnia instruida là;
- d. meglra cumpatibilitad da l'emprendissadi cun il sport da prestaziun:  
emprendistas ed emprendists che disponan d'ina carta da talent naziunala da Swiss Olympic sco er d'ina cunvegna supplementara tar il contract d'emprendissadi per sportistas e sportists, duain pudair cumbinar meglier lur unitads da trenament resp. lur concorrenzas uffizialas cun lur furmaziun professiunala da basa. Ellas ed els pon frequentar la scola professiunala spezialisada ch'è adattada per ellas ed els.

<sup>3</sup> Emprendistas ed emprendists da l'exteriur vischin (cunfinarias e cunfinaris) pon vegnir attribuids d'uffizi ad in'otra scola professiunala spezialisada, sch'ellas ed els n'han betg las cumpetenzas linguisticas necessarias en la lingua d'instrucziun da la scola professiunala spezialisada prevista.

#### **Art. 5 Entrada en vigur**

Questa directiva entra immediatamain en vigur.


**Agiunta:** Charta «Scolas professiunalas spezialisadas dal Grischun, repartiziun dals circuls da scola»

**Tabella da las modificaziuns**

| Conclus                           | Entrada en vigur | Element        | Midada |
|-----------------------------------|------------------|----------------|--------|
| UCFP / OA 1492 dals<br>08-04-2025 | 08-04-2025       | Emprim relasch |        |

# Berufsfachschulen Graubünden

## Schulkreiseinteilung



- Gewerbliche Berufsschule Chur  
KV Wirtschaftsschule Chur
- Berufsfachschule Davos: Schreiner EFZ
- Fallspezifisch
- Berufsfachschule Davos
- Gewerbeschule Samedan  
Kaufmännische Berufsschule Oberengadin
- Gewerbliche Berufsschule Surselva  
Kaufmännische Berufsschule Surselva
- Splitting-Modell im Allgemeinbildenden Unterricht  
(gemäss Regierungsbeschluss Nr. 1093/2007)
- Fallspezifisch
- Scuola Professionale Poschiavo
- Scuola industriale Val Müstair
- Berufsfachschulen im Kanton Tessin

Bildungszentrum-Gesundheit und Soziales  
 EHL Schweizerische Schule für Touristik und Hotellerie  
 Plantahof